

Edjean comunicando cu su pueblo....

“E alegria y gratitud ta inmenso pa e reaccion positivo y e apoyo masal!”



cu mi siguiente proyecto lo ta e concierto “Hey... ta Pasco!”, nos por a sinti un interes den pueblo, cu nunca antes nos a experiencia pa ningun otro proyecto cu mi a yega di presenta.

Pa tur proyecto, e interes tabata halto berdad y cada bes tabata tin demanda pa cu cada un, pero pa “Hey... ta Pasco!” di dia 18 di December proximo, el a surpasa tur nos espectativanan.

Mi ta kere cu e ta conoci cu pa pone proyectonan

asina aki riba pia, no ta facil. Cualquier meta den bida cu ta asina grandi, no ta facil. Bo tin cu hasi hopi sacrificio pa logr’e y ta net esaki ta loke ta pone bo crece como persona y como artista. Danki na e apoyo y sosten continuo di e pueblo di Aruba, mi famia y amigonan mas serca y tambe un grupo selecta di comerciante ehemplar, mi por

sigui ehecuta proyectonan musical asina aki.

Musica ta mi pasion y mi bida. Pa entretene mi publico ta un experiencia tremendo, pero como cantante local mi ta consciente tambe di mi tarea pa mantene loke ta di nos, bibo. Mi tin semper den mente di e importancia cu mi influencia por tin riba e ser humano, especialmente e Arubiano. E filosofia cu nos como ekipo ta traha semper cune ta, cu si nos keda expone nos publico na proyectonan di calidad excelente, nos por inspira hende, pero tambe hasi e persona mas critico y analitico cu tur loke e ta experiencia den su bida.

Proyectonan asina berdad ta hopi costoso, pero no imposibel. E no ta stroba nos di yega y logra e meta, ya cu nos sa di e importancia y impacto positivo riba tur persona cu ta biba riba Aruba y no necesariamente ta un proyecto comercial, manera hopi sa consider’e, fuera di ta duna exposicion na e comerciantenan cu ta duna di nan parti den e proyecto.

Arte ta importante den bida di tur ser humano y ta pesey mes nos ta keda traha cu consistencia, hopi determinacion y perseverancia. Especialmente pa inspira e hobennan cu tambe tin aspiracionnan grandi pa futuro.

Den number di henter mi ekipo di organisacion y produccion y den number di mi mesun persona, nos ta gradici henter e pueblo di Aruba pa e apoyo cu nos ta ricibiendo. Danki pa sostene nos proyecto y danki pa kere den mi soño. E alegria y gratitud ta inmenso pa e reaccion asina positivo y e apoyo masal!

Dia 18 di December proximo den Renaissance Convention



Center, nos lo celebra hunto, e dianan di mas dushi di henter aña. Hunto nos lo festeha e ultimo dianan di 2009, y hunto nos lo compromete nos

mes di habri 2010 cu hopi optimismo, positivismo y gana pa sigui traha duro pa logra nos metanan y hiba nos pais dilanti.

ORANJESTAD - Despues di varios luna, celebrando 15 aña den farandula, mi kier a hasi uso un biaha mas di e oportunidad pa gradici mi pueblo pa e apoyo y sosten continuo. For di Oktober cu nos a presenta e concierto “Bek na mi raiznan”, por a sinti un interes y demanda hopi grandi pa sigui presenta conciertonan di indole local. Desde e momento cu a anuncia